

# MAHINUNGDANONG MGA BUTANG PARA SA PAGPAHIULI SA IGLESIAHANONG KINABUHI

(Biyernes—Ikaduhang Sesyon sa Buntag)

Mensahe 2

## Ang Kalabot sa Hugot Gyong Pagsunod sa Nakompletong Panan-awon sa Panahon pinaagi sa Pagpangalagad sa Panahon

Basahong Kasulatan: 2 Cor. 3:3, 6, 8; 4:1; 5:18-20; 11:2-3; 1 Tim. 1:3-4, 18;  
Bug. 22:1-2, 14, 17

- I. **Sa matag panahon dunay panan-awong iya nianang panahona, ug kay naa man tay nakompletong panan-awon sa panahon pinaagi sa pagpangalagad sa panahon, moalagad gyod ta sa Dios segun ning panan-awona ug hugot gyong mosunod niini—Buh. 26:19; Efe. 1:17; 3:9; 1 Tim. 4:6:**
  - A. Magkausa ta karon kay usa ra may panan-awon nato, ang takdo-sa-panahon, nakapanunod-sa-tanan nga panan-awon, ang panan-awon sa walay kataposang pamatigayon sa Dios—Efe. 1:17; 3:2, 9; Bug. 21:10; 1 Tim. 1:3-4; Rom. 15:6; 1 Cor. 1:10; Buh. 26:13-19; Fil. 3:13-14.
  - B. Ang nagdumalang panan-awon sa Biblia mao ang langitnong panan-awon sa walay kataposang pamatigayon sa Dios, nga mao ang walay kataposang tuyo sa Dios uban sa gitinguha sa Iyang kasingkasing nga ipaambit ang Iyang Kaugalingon diha sa Iyang Diosnong Trinidad ingon nga Amahan diha sa Anak pinaagi sa Espiritu nganha sa piniling katawhan Niya aron mahimong kinabuhi ug kina-iyia nila para masama sila Niya isip hulad Niya, aron mahimong organismo, ang Lawas ni Cristo ingon nga bag-ong tawo, alang sa kahupnganan sa Dios, pagpadayag sa Dios, nga mahingpit sa Bag-ong Jerusalem—Efe. 1:10; 3:9; 1 Tim. 1:3-4; Rom. 8:29; 1 Juan 3:2; Efe. 1:22-23; 2:15-16; 3:19; Bug. 3:12, 21; 21:2, 9-10; Buh. 26:19.
  - C. “Giingnan nako [W. L.] si Brother Nee nga, ‘Bisan pag usa ka adlaw niana dili na ka molakaw ning dalana, molakaw gihapon ko niini. Wala ko molakaw niini tungod nimo, ug dili ko mobiya niini tungod nimo. Nakita nako nga kini ang dalan sa Ginoo. Nakita nako ang panan-awon’”—*Ang Panan-awon sa Panahon*, p. 49.
- II. **Ang panan-awong gihatag sa Ginoo kanato sa pahuli Niya karon mao ang malangkobon-sa-tanan nga panan-awon sa walay kataposang pamatigayon sa Dios lakip ang kinataposang kahingpitan niini—ang panan-awon sa Bag-ong Jerusalem—Prov. 29:18; Buh. 26:18-19; 22:15; Bug. 21:2, 9-11:**
  - A. Ang kinatibuk-an sa gipadayag sa Biblia kanato mao ang Bag-ong Jerusalem; ang Bag-ong Jerusalem mao ang kinatibuk-ang komposisyon sa tibuok pina-dayag sa Biblia—Gen. 28:10-22; Juan 1:1, 14, 29, 32, 42, 51; Bug. 21:3, 22.
  - B. Ang pagkinabuhi nato sa Bag-ong Jerusalem aron man mahimo tang Bag-ong Jerusalem, ug ang pagbuhat nato sa Bag-ong Jerusalem aron man matukod nato ang Bag-ong Jerusalem pinaagi sa nag-agay nga Tulo-usang Dios—Jer. 2:13; Juan 4:14; 7:37-39; Bug. 22:1-2.
  - C. Gamayng hulad gyod unta sa Bag-ong Jerusalem ang tanang iglesia lokal, ug “gamayng Bag-ong Jerusalem” gyod unta ang tanang magtutuo; bisan unsay gingalan sa Bag-ong Jerusalem mahiniusa ug personal gyod unta nga kasina-tian nato—21:3, 22-23; 22:1-2, 14, 17; 3:12.

- D. Ang Bag-ong Jerusalem maoy pagkalawas sa kompletong kaluwasan sa Dios nga may balaodnon ug organicong mga aspeto—Rom. 5:10; Bug. 22:14:
1. Hinimo ang hingpit nga kaluwasan sa Dios sa pagkamatarong sa Dios isip sukaranan ug sa kinabuhi sa Dios isip kahingpitan—Rom. 1:16-17; 5:10, 17-18, 21; Luc. 15:22-23; itandi sa Jer. 2:13; 13:23; 17:9; 23:5-6; 31:33.
  2. May kalabotan sa kinabuhi ang tibuok Bag-ong Jerusalem nga gitukod diha sa patukoranan sa pagkamatarong—Bug. 21:14, 19-20; 22:1; itandi sa Gen. 9:8-17; Sal. 89:14.
- E. Sa magsinati ta sa matag seksyon sa organicong kaluwasan sa Dios, inang-ang tang mosaka hangtod mahimo tang mga tawo sa Bag-ong Jerusalem—Rom. 5:10, 17, 21; 8:10, 6, 11; Bug. 22:1-2; itandi sa Jer. 18:15; Miq. 5:2:
1. Gipanganak ta pag-usab sa pag-ambit nato sa kinabuhi sa Dios aron mahimong kaliwat sa Dios, mga anak sa Dios, alang sa pagkaanak nato sa Dios—Juan 1:12-13; Bug. 21:7; 22:14.
  2. Gibalaan ta sa pag-ambit nato sa kinaiya sa Dios aron masama kabalaan sa balaang syudad—1 Tes. 5:23; Efe. 5:26.
  3. Gibag-o ta sa pag-ambit nato sa hunahuna sa Dios aron masama kabag-o sa Bag-ong Jerusalem—2 Cor. 4:16; Efe. 4:23.
  4. Gitransporma ta sa pag-ambit nato sa pagkamao sa Dios aron maumol ta sa Tulo-usang Dios nga bulawan, salapi (perla), ug hamiling mga bato—1 Cor. 3:12; 2 Cor. 3:18; Rom. 12:2; Bug. 21:18-21.
  5. Gipasama ta sa dagway sa panganayng Anak sa Dios sa pag-ambit nato sa dagway sa Dios aron maanaay panagway sa Bag-ong Jerusalem—Rom. 8:28-29; Bug. 21:11; 4:3.
  6. Gihimaya ta sa pag-ambit nato sa himaya sa Dios aron hingpit nga matuhoan sa himaya sa Bag-ong Jerusalem—Rom. 8:21; Fil. 3:21; Bug. 21:11.

**III. Ang pagkinabuhi ug pagbuhat nato sa Bag-ong Jerusalem pagkinabuhi ug pagbuhat man nato sa kompletong kaluwasan sa Dios segun sa tiunayng pagkamao ug kinatibuk-an sa bugtong-talagsaong pagpangalagad sa Bag-ong Tugon, sa pagpangalagad sa panahon, aron matinuod ang Lawas ni Cristo ug maanaay bag-ong pagkadasig pag-usab—Fil. 1:19; 2:13; Rom. 5:10; 2 Cor. 4:1; Efe. 4:11-12, 16:**

- A. Ang pagpangalagad sa Espiritu mao ang pagpangalagad sa bag-ong pakigsaad aron himoon tang Dios sa pagsulat sa atong kasingkasing sa Espiritu sa Dios nga buhi isip diosnon ug misticong “tinta,” nga maghimo natong buhing mga sulat ni Cristo—kini ang kinahabogang punto sa diosnong pinadayag—2 Cor. 3:3, 6, 8, 18; 4:1; Isa. 42:6; 49:6; Sal. 45:1-2:
1. Pinaagi sa pagpangalagad sa Espiritu, “gihimo [tang] Cristo” aron mahimong syudad sa kinabuhi ug pangasaw-onon ni Cristo; busa, minyoan sa Espiritu nga nahingpit nga Tulo-usang Dios ang pangasaw-onon nga natranspormang iglesia nga may tulo ka bahin aron magkinabuhi sa kinabuhing panagsagol sa Dios ug tawo isip usa ka espiritu, sa kinabuhing hilabihan kamaayo kaayo ug nag-awas sa mga panalangin ug kalipay—Rom. 5:10; Bug. 2:7; 22:1-2, 17.
  2. Aron maumol nga mga ministro sa bag-ong pakigsaad para matukod ang Lawas ni Cristo, mosinati gyod ta sa tanang aspeto sa malangkobon-satanan nga Espiritu sa 2 Corinto—sa Espiritung nagdihog, sa Espiritung nagtimbre, sa Espiritung nagpatinga (1:21-22; 5:5), sa Espiritung nagsulat (3:3), sa Espiritung naghatag og kinabuhi (v. 6), sa Espiritung nangalagad (v. 8), sa Espiritung nagpagawas (v. 17), sa Espiritung nagtransporma (v. 18), ug sa Espiritung nagpalatay (13:14).

- B. Ang pagpangalagad sa pagkamatarong mao ang pagpangalagad ni Cristo nga objectibong pagkamatarong nato aron mamatarong ta ug subjectibong pagkamatarong nato nga “giborda” kanato sa nagtranspormang buhat sa Espiritu aron makinabuhi ug tinuod nga mapadayag si Cristo—kini ang Dios-tawong pagkinabuhi—3:9; Sal. 45:13-14; Rom. 8:4; Sal. 23:3:
1. Pinaagi sa pagpangalagad sa pagkamatarong, madawat nato si Cristo nga objectibong pagkamatarong nato ug makapahimulos ta Niya nga subjectibong pagkamatarong nato aron mahimong Bag-ong Jerusalem nga bag-ong kabuhatan sa pagkamatarong sa bag-ong langit ug bag-ong yuta—1 Cor. 1:30; Fil. 3:9; 2 Ped. 3:13; itandi sa Isa. 33:22.
  2. Ang objectibong pagkamatarong (si Cristo nga gihatag kanato) mosangpot sa grasya (si Cristo nga napahimuslan nato), ug mosangpot ang grasya sa subjectibong pagkamatarong (si Cristo nga gikinabuhi nato)—Rom. 5:1-2, 17-18; Luc. 15:22-23.
  3. Naglihok sa sulod nato ang gahom sa grasya ug nagpalugwag subjectibong pagkamatarong, naghimo natong husto tali sa Dios, sa uban, ug bisan ngani sa atong kaugalingon; dili lang kay nibuntog kini sa sala kondili nidaog sab ni Satanas, sa sala, ug kamatayon sulod sa atong pagkatawo, nga nagpahari nato diha sa kinabuhi—2 Tim. 2:1; Rom. 5:17, 21.
  4. Objectibo ang pagkamatarong nga nadawat nato aron mamatarong ta ug nakapatagbo nato sa mga gipangayo sa matarong nga Dios, samtang subjectibo ang mga pagkamatarong sa madaogong mga balaan ug nakapatagbo nila sa mga gipangayo sa madaogong Cristo—Bug. 22:14; 19:7-8.
- C. Ang pagpangalagad sa pagpasig-uli mao ang pagpangalagad nga nagpasig-uli sa kalibotan ngadto ni Cristo pinaagi sa pagpasaylo sa mga sala aron balaodnon silang matubos ug nagpasig-uli sa mga magtutuo ngadto ni Cristo aron mahimo silang mga tawo nga nagkinabuhi diha sa espiritu, sa Dapit Labing Balaan, aron organico silang maluwas—kini ang pagpangatiman sa mga tawo sumala sa Dios—2 Cor. 5:18-21; 1 Ped. 5:1-6; Heb. 13:20:
1. Ang pahiuli sa Ginoo karon pagdala man kanato ngadto sa realidad sa pneumaticong pagpangatiman ni Cristo sa Salmo 23 nga lugwa sa nagtubos nga kamatayon ug nagpalugwa-sa-iglesia nga pagkabanhaw Niya sa Salmo 22 ug maoy mopahinabo sa Iyang pag-anhi isip Hari aron mag-establisar sa Iyang gingharian sa Salmo 24.
  2. Pinaagi sa pagpangalagad sa pagpasig-uli, giatiman ta aron madala ngadto sa Dios ug makapahimulos Niya nga mga tubod sa mga tubig sa kinabuhi aron mahimo tang walay kataposang Sion nga hiniusang Dapit Labing Balaan, ang dapit nga nahimutangan sa Dios—Bug. 7:14, 17; 14:1; 21:16, 22; Sal. 20:2; 24:1, 3, 7-10; 48:2; 50:2; 87:2; 125:1; Ezeq. 48:35.
  3. Ang pagpangalagad sa pagpasig-uli mao ang pagpangalagad sa mga apostol nga nibulig sa langitnong pagpangalagad ni Cristo nga mangatiman sa panon sa Dios aron matukod ang Lawas ni Cristo nga maghingpit sa Bag-ong Jerusalem segun sa walay kataposang pamatigayon sa Dios—Juan 21:15-17; Buh. 20:28-29; Bug. 1:12-13.

#### **IV. Gidala ta sa pahiuli sa Ginoo balik sa bugtong-talagsaong pagpangalagad sa Bag-ong Tugon; ang mga kinaiya ning pagpangalagara mao kini (2 Cor. 4:1):**

- A. Nangalagad kini sa himsog nga pagtulon-an sa pamatigayon sa Dios ug nakig-away sa maayong pakig-away batok sa lahi ug katingad-ang mga pagtulon-an sa mga magsusupak nga dunay laing kalayo sa natural nga kasibot, natural nga

- pagbati, natural nga kusog, ug natural nga kahimoan sa tawo—1 Tim. 1:3-4, 18; Heb. 13:9; 2 Tim. 2:1-15; Lev. 10:1-11.
- B. Nagpalugwa kini sa mga iglesia lokal nga bulawang mga tangkawan aron mahimong panghimatuod ni Jesus nga dunay samang pagkamao, panagway, ug pagpadayag, ug nagtukod kini sa usa ka Lawas ni Cristo pinaagi sa usa ka Espiritu, naghingpit natong tanan aron mausa sa Tulo-usang Dios—Bug. 1:10-13, 20; Juan 17:23; Efe. 4:1-4, 11-13; Zac. 4:6.
  - C. Nag-andam kini sa mga mananaog aron mahimong pangasaw-onon ni Cristo, ang “rayna” Niya, diha Niya nga “harianong puluy-anan” ug diha sa mga iglesia lokal nga mga “palasyong marfil” nga mahingpit sa Bag-ong Jerusalem nga “palasyo sa Hari”; gisaad ta niini nga ipaasawa ni Cristo, nagpukaw sa atong gugma alang Niya diha sa kayano ug kaputli ngadto ni Cristo, aron himoon tang rayna Niya—Sal. 45:1-15; Bug. 21:2, 9-10; 2 Cor. 11:2-3.
  - D. Naglig-on kini nato aron mosunod ta ni Cristo sa pagpakig-ambit sa Iyang mga pag-antos diha sa dalan ngadto sa himaya, sa dalan sa krus, aron mapadayag ug mosanay ang kinabuhi—Juan 12:24-26; Col. 1:24; 2 Cor. 4:10-11, 16-18; 11:23-33.
  - E. Nagpaambit kini ni Cristo nga grasya, kamatuoran, kinabuhi, ug Espiritu nganhi nato aron mapadaygan ta ni Cristo, makapahimulos ni Cristo, ug motubo sa kinabuhi aron maluwas diha sa kinabuhi ug maghari diha sa kinabuhi—1:12, 24; Fil. 1:25; Rom. 5:10, 17.
  - F. Nagbalaan kini nato pinaagi sa pulong sa kamatuoran ug sa paghugas sa tubig diha sa pulong; nangatiman sab kini nato pinaagi sa nagpangga ug nagtil-og nga presensya sa pneumaticong Cristo—Juan 17:17; Efe. 5:26, 29-30; Bug. 1:12-13.
  - G. Nagguba kini sa herarkiya ug nagsakot nato pag-usa, naghimo natong tanan nga mga igsoon ni Cristo, mga ulipon ni Cristo, ug mga bahin ni Cristo aron mahimong usa ka Lawas ni Cristo sa realidad; nagguba sab kini sa habog nga mga dapit ug nagtuboy ni Cristo ra aron mahimo Siyang tanan diha sa iglesia—Mat. 23:8-12; 1 Cor. 12:24; Deut. 12:1-3; 2 Cor. 4:5; 10:3-5; Col. 3:10-11.
  - H. Nagpalihok kini natong tanan aron magbatasan ta sa paaging gitudlo sa Dios ug nagdala nato nga mosunod sa Cordero bisan asa Siya moadto aron mosangyaw sa ebanghelyo sa gingharian sa tibuok yutang gipuy-ag tawo—Rom. 12:4-5; Efe. 4:11-12; Bug. 14:4; Mat. 24:14.
  - I. Maghatod kini nato sa bag-ong pagkadasig pag-usab nga magkinabuhi sa Bag-ong Jerusalem ug magbuhat sa Bag-ong Jerusalem aron matinuod ang Lawas ni Cristo nga kinahabogang punto sa pamatigayon sa Dios—2 Cor. 3:6, 8-9; 5:18-20; Rom. 12:4-5; Efe. 4:4-6, 16.